

Cinjcing Banggungz Soengq Moulwg Roengz Mbanjcuengh

精准扶贫 猪苗送壮乡

4 nyied 18 hauh, Yungzanh Yen Gyauzbanj Yangh Gujbanj Cunh gawjhengz aen hozdung soengq moulwg hawj hohgungzhoj mbouj aeu cienz, banggungz danhvei dwg Gvangjsih Lizdangz Genhyuz, gyoengqde dawz 56 duz moulwg "sam yienz cab" caeuq buek swzliu moulwg he soengq hawj aen cunh neix 26 ranz gungzhoj mbouj aeu cienz, lij son gyoengde ciengx mou gisuz dem.

Ciuq cam rox, mbat neix soengq moulwg daeuj haenx moix duz daih'iek naek 20 goenggaen, gyaqcienz gyawj 1000 maenz yienghneix, moix ranz gungzhoj ndaej lingx song duz moulwg caeuq daeh swzliu moulwg 40 goenggaen gyaqcienz dij miz 188 maenz, ndawde, song hoh daegbied gungzhoj haenx moix hoh 4 duz moulwg caeuq song daeh swzliu moulwg.

(Danz Gaijinhing/谭凯兴)



▲ Gvanbaz riuhaka ram moulwg ma ranz.



▲ Soengq moulwg mbouj aeu ngaenz yienhcieingz.



▲ Boux vunz simndei fat doxgaiq hawi gvoenga lwgnyez.

Sanhgyangh: Giencienz Bang-hag Lwghag Angqyangz

三江：捐资助学娃欢乐

4 nyied 18 hauh, Liujcouh Si Gouliz Ginhyungz Fuzvu Mizhanh Gunghswih, Liujcouh Vazsinghangz Bwnheiz 4S Diemq daeuj daengz Sanhgyangh Fuluz Myauzyangh Gveihusuz Cunh Siujyoz guh gien cienz banghag goeng'ik hozdung, vih aen siujyoz neix boux hagseng maenh'ak, ndawranz gungzhoj haenx soengq bae buek yunghdawz hagsib caeuq yindung gicaiz ndeu, gyaqcienz dij 3.5 fanh maenz, fat ngaenzbanghag 1.1 fanh maenz.

(Gunj Yicungh/滚亿忠)



▲ Gien bang yizsi.

Sanhgyangh: Heiqhom Youzcaz Coux Goekhawx

三江：油茶飘香迎谷雨

4 nyied 19 hauh, Sanhgyangh Dungcuz Swciyen Yangzhih Yangh Gauhlu Cunh gawjbanh ciet youzcaz vwnzva, dangdieg vunzlai aeu dwk youzcaz, baijdaiz youzcaz, yaeb caz doxdax caeuq minzsuz biujyienj daengj cizmuz ndeiawj haenx angqcoux goekhawx, caenhliengh langhbaij Dungcuz youzcaz fungcingz, yinx ndaej haujlai hekyouz daeuj yawj gingj daejniemh.

Ciuq cam rox, cungj sibgvenq gijgwn dwk youzcaz Dungcuz neix, dwg daj Dangzcauz riuzcienz roengzdaej daengz seizneix, liz seizneix gaenq miz 1000 lai bi lizsij, de dwg aeu mbawcaz caeuq youzcaz daengj yienzliuh guhbaenz, 2014 nienz ndaej liedhaeuj mingz-loeg feihyiz gaep Guengjsae Bouxcuengh Swcigih.

(Gungh Bujgangh/龚普康)



▲ Angq ciengq go gingqcaz.



▲ Biujyienj caemcaz.

Fanh Aen Nungzgih Nyaengq Ndaemcin

万台农机战春耕

4 nyied 20 hauh, Luzcai Yen Cunghdu Cin gij nungzgih youq ndaw naz nyaengqfudfud dwk ndaemnaz.

Ciuq aen yienh neix nungzgih bumwnz doengjeiq, bineix cingeng swnghcanj, daengx yienh gungh miz 3.2 fanh aen nungzgih roengz naz bae ciengj ndaem, guj youq laebhah gaxgonq ndaej ndaem sat 25 fanh moux haeuxcaeux yinvu.

(Lai Genginh/赖建军)

► Fanh aen nungzgih youq ndaw naz nyaengqfudfud.

